

Skire ja rieban

Skires lei muoras beassi. Rieban manai beasi vuollái ja dajai:

"Mun gal njeaiddán dán muora ja dagan das fatnasa."

Skire ánuhii: "Ále njeaidde, mus leat dáppe vihtta moni ja dathan cuovkanit, jus muorra gahččá."

Rieban dajai: "Juos attat munnje ovttá moni, de guođán muora ceaggut."

Skire attii ovttá maniin riebanii.

Rieban manai fas nuppi beaivve ja dajai: "In leat dán rádjái gávdnan vel ovttage ná buorre fanasmuora."

Skire headásmuvaid: "Juos don goittotge guođášit ráffái dán muora. " Ja nu son attii fas ovttá moni riebanii.

Skire buorre ustit vuorččis bođii fitnat ja jearai: "Gosabat du monit leat gártan?"

Skire dajái: "Rieban finai dás guktii ja doalvvui. Dat livčče njeaidán oppa muora, jus in ličče addán dasa moniid."

Vuorččis dajái: "Leat don gal viehka doavki. Mainnabat rieban livčče muora njeaidán, ii han sus leat buvku, iige áksu."

Rieban bođii goalmát geardde ja nu son fas hállagođii: "In leat velge gávdnan doarvái buorre muora, gal mun dán muora liikká njeaidán, jus it atte munnje vel ovttá moni."

Skire reaškigođii ja rágui: "Mainna don muora njeaidát? Iihan dus leat buvku, iige ákšuge."

Rieban jearai: "Gii du lea nie viissisin dahkan, vuorččisgo? Gal mun vel suge behtan"

Rieban manai gieddái njángát ja bijai vel njuokčama heaŋgát njálmmi olggobeallái. Vuorččis boahťá ja vázzá birra rieban. Viimmat dat mánná rieban ala čuožžut ja čugge dan njuokčamii. Čuggii vel nuppesge ja dalle rieban rábustii vuorčá gitta ja áiggui borrat dan.

Vuorččis dajai: "Mánnu duohko miestagiid sisa, dasgo olbmothan čáibmet go don álggát dás nuppi eallin borrat."

Rieban gurpu vuorčá bániid gaskkas.

Vuorččis dadjá: "Luoitte mu luovus, gal mun váccán du bálddas."

Rieban ii šat muitán, ahte vuorččishan máhtii girdit, dallego luoitilii dan njálmmistis. Dalle vuorččis lei juo áimmus, ja rieban oaččui fas fuomášit, ahte ii buot skealbmavuohta lean su oaiivvis.

Vuorččis ja rieban

Vuorččis čohkká beassemuorastis vuostábihtá njálmmistis. Rieban vázzá meattá ja dadjá: "Gal don leat juo čeahppi lávlut."

Vuorččis geahččá rieban, iige jietnat máidege.

Vuot rieban rábmo: "Čájjetmat, man čeahppi don leat lávlut."

Vuorččis nu movttiida ja lávlesta: "Kraak, kraak, kraak ... Viimman rieban oažžu vuorčá lávlut ja nu vuostábihtá gahččá njuolgga rieban njálbmái.

Máinnasteaddji: Kristen-Ellen Gaup-Juuso, Miessi, Eanodat